

წინამდებარე ხელშეკრულება დადებულია 08.12.2021 წ.

ერთის მხრივ, სს „საქართველოს რკინიგზა“ (ს/კ 202886010), წარმოდგენილი მისი ინფრასტრუქტურის დირექტორის გიორგი მარუქაშვილის სახით, მისამართი: ქ. თბილისი, თამარ მეფის გამზირი №15 (შემდგომში – შემსყიდველი) და მეორეს მხრივ, შპს „ავანტი“ (ს/კ 406115207), წარმოდგენილი მისი დირექტორის ვახტანგ ათაბეგაშვილის სახით, მისამართი: ქ. თბილისი, ისნის რაიონი, ნიაზის I შესახვევი, N2 (შემდგომში – მიმწოდებელი), ვდებთ წინამდებარე ხელშეკრულებას შემდეგზე:

2021 წლის 4 ნოემბერს გამოცხადდა და 16 ნოემბერს დასრულდა წინადადებების მიღება ელექტრონულ ტენდერზე აუქციონის გარეშე (№NAT210020869) სადგურ ველში, მდ. ლოჭინოზე არსებული ლითონის რკინიგზის ხიდის დემონტაჟისა და ახალი რკინა-ბეტონის ხიდის მშენებლობის საპროექტო-სახარჯთაღრიცხვო დოკუმენტაციის შედგენის მომსახურების შესყიდვის შესახებ, (CPV კოდი - 71300000, 71322300), რომელშიც გამარჯვებულად მიჩნეულ იქნა მიმწოდებლის წინადადება, რომლის თანახმად, მიმწოდებელმა აიღო ვალდებულება დანართის (ფასების ცხრილი, გასაწევ მომსახურებაზე განსაკუთრებული მოთხოვნები) შესაბამისად განახორციელოს სადგურ ველში, მდ. ლოჭინოზე არსებული ლითონის რკინიგზის ხიდის დემონტაჟისა და ახალი რკინა-ბეტონის ხიდის მშენებლობის საპროექტო-სახარჯთაღრიცხვო დოკუმენტაციის შედგენის მომსახურება (შეთანხმებული პროექტ(ებ)ის, მოცულობათა უწყისისა და ხარჯთაღრიცხვის (ობიექტური, ლოკალური და კრებისით), წარმოდგენით) (შემდგომში მომსახურება).

სატენდერო პირობების 10.1 პუნქტით გათვალისწინებული 1.5 ქვეპუნქტის შესაბამისად, ხელშეკრულება ფორმდება აშშ დოლარში საქართველოს ეროვნული ბანკის მიერ 2021 წლის 16 ნოემბრისათვის (ელექტრონული ვაჭრობის დღისათვის) დადგენილი ლარის აშშ დოლართან ოფიციალური გაცვლითი კურსის (1 USD - 3.1550 ლარი) მიხედვით.

ხელშეკრულების საერთო ღირებულება დღგ-ს გარეშე შეადგენს - **28 173,69** (ოცდარვა ათას ასსამოცდაცამეტი აშშ დოლარი და სამოცდაცხრა ცენტი) აშშ დოლარს, ხოლო დღგ-ს ჩათვლით - **33 244,95** (ოცდაცამეტი ათას ორასორმოცდაოთხი აშშ დოლარი და ოთხმოცდათხუთმეტი ცენტი) აშშ დოლარს (შემდგომში – ხელშეკრულების ღირებულება).

წინამდებარე ხელშეკრულება ადასტურებს შემდეგს:

1. მოცემულ ხელშეკრულებაში გამოყენებული ტერმინები და გამოთქმები ატარებენ იმავე მნიშვნელობებს, რაც მათ აქვთ მინიჭებული ხელშეკრულების პირობებში.
2. ქვემოთ ჩამოთვლილი დოკუმენტები ქმნიან მოცემულ ხელშეკრულებას და წარმოადგენენ მის განუყოფელ ნაწილს, კერძოდ:
 - ა) წინამდებარე ხელშეკრულება;
 - ბ) პრეტენდენტის მიერ წარმოდგენილი ფასების ცხრილი და გასაწევ მომსახურებაზე განსაკუთრებული მოთხოვნები;
 - გ) ამონაწერი სსიპ სახელმწიფო შესყიდვების სააგენტოს ერთიანი ელექტრონული სისტემიდან ელექტრონული ტენდერის აუქციონის გარეშე ვაჭრობის მიმდინარეობის შესახებ;
 - დ) დანართი ხელშეკრულების ადმინისტრირების შესახებ;
 - ე) დანართი ხელწერილი ინტერესთა კონფლიქტის არარსებობის შესახებ;
 - ვ) დანართი N2 ფორმა N1 განსხვავებული პირობით ანგარიშსწორების შესახებ;
 - ზ) საქართველოს ეროვნული ბანკის ვებ-გვერდიდან ამონაწერი ლარის მიმართ უცხოური ვალუტების გაცვლის ოფიციალური კურსის შესახებ;
 - თ) ხელშეკრულების საერთო პირობები;
 - ი) ხელშეკრულების სპეციფიკური პირობები.
3. მიმწოდებელი იღებს ვალდებულებას შეუსრულოს შემსყიდველს ზემოაღნიშნული მომსახურება ხელშეკრულების პირობების შესაბამისად.
4. შემსყიდველი იღებს ვალდებულებას აუნაზღაუროს მიმწოდებელს ხელშეკრულების ღირებულება ხელშეკრულების პირობების შესაბამისად.

ყოველივე ზემოთქმულის დასტურად მხარეებმა გააფორმეს წინამდებარე ხელშეკრულება, საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

წინამდებარე ხელშეკრულება ძალაში შედის მისი ხელმოწერის დღიდან და მოქმედებს მხარეთა მიერ ხელშეკრულებით გათვალისწინებული ვალდებულების სრულ შესრულებამდე, მაგრამ არაუგვიანეს 2022 წლის 30 ივნისისა.

„შემსყიდველი“

სს „საქართველოს რკინიგზა“
ქ. თბილისი, თამარ მეფის გამზირი №15
ს/კ 202886010
სს „საქართველოს ბანკი“
ბანკის კოდი: BAGAGE22
ა/ა GE09BG0000000128695301

„მიმწოდებელი“

შპს „ავანტი“
ქ. თბილისი, ისნის რ-ნი, ნიაზის I შესახვევი, N2
ს/კ 406115207
სს „საქართველოს ბანკი“
ბანკის კოდი: BAGAGE22
ანგარიშის №GE32BG00000000815215200
ტელ: 591 161419

გიორგი მარუქაშვილი
ინფრასტრუქტურის დირექტორი

ვახტანგ ათაბეგაშვილი
დირექტორი

ხელშეკრულების საერთო პირობები წარმოადგენს დოკუმენტაციისა და შესყიდვის შესახებ ხელშეკრულების შემადგენელ ნაწილს. ისინი ატარებენ ტიპიურ ხასიათს და უნდა იქნან გამოყენებული ყოველგვარი ცვლილებების გარეშე იმ მოცულობით, რა მოცულობითაც ეს შეესაბამება კონკრეტულ შესყიდვას.

1. გამოყენებული ტერმინების განმარტებები

1.1 „ხელშეკრულებამომსახურებისსახელმწიფო შესყიდვის შესახებ“ (შემდგომ - „ხელშეკრულება“) - შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.2 „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის/თუ ხელშეკრულებით სხვა რამ არ არის გათვალისწინებული/;

1.3 „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;

1.4 „მიმწოდებელი“ ნიშნავს იურიდიულ ან ფიზიკურ პირს, რომელმაც მოიპოვა გამარჯვება ტენდერში და აფორმებს (გააფორმა) შემსყიდველთან ხელშეკრულებას მომსახურების შესყიდვის შესახებ;

1.5 „დღე“, „კვირა“, „თვე“ ნიშნავს კალენდარულ დღეს, კვირას, თვეს.

2. სტანდარტები

ხელშეკრულების ფარგლებში გაწეული მომსახურება უნდა შეესაბამებოდეს ტექნიკურ დავალებაში მითითებულ სტანდარტებს.

3. ინტელექტუალურ საკუთრებასთან დაკავშირებული უფლებები

ინტელექტუალურ საკუთრებასთან დაკავშირებული უფლებებით გათვალისწინებული ვალდებულებების დაცვა და ამ უფლებების გამოყენების პროცესში წარმოშობილი დავების მოგვარება ეკისრება მიმწოდებელს.

4. ხელშეკრულების შესრულების კონტროლი

4.1 შემსყიდველს ან მის წარმომადგენელს უფლება აქვთ ხელშეკრულების შესრულების ნებისმიერ ეტაპზე განახორციელონ კონტროლი მიმწოდებლის მიერ ნაკისრი ვალდებულებების შესრულებაზე ხელშეკრულების სპეციფიკურ პირობებში და/ან ტექნიკურ დავალებაში ასახული შესაბამისი გეგმა-გრაფიკის მიხედვით, მათ შორის მომსახურების ხარისხის პერიოდული ინსპექტირება.

4.2 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა საშუალო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

4.3 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

5. მომსახურების გაწევის პირობები

5.1 მომსახურების გაწევა ხორციელდება მიმწოდებლის წინადადებაში ასახული გრაფიკის მიხედვით. ხელშეკრულების სპეციფიკურ პირობებში დაფიქსირებული პერიოდულობით (ვადებში) შემსყიდველი და მიმწოდებელი ერთობლივად განიხილავენ გრაფიკის შესრულების მიმდინარეობის საკითხებს და საჭიროების შემთხვევაში შეაქვთ გრაფიკში სათანადო ცვლილებები.

5.2 ხელშეკრულების დამდებ არც ერთი მხარეს არა აქვს უფლება შეიტანოს გრაფიკში ცვლილებები მეორე მხარესთან შეთანხმების გარეშე.

6. დაზღვევა (ამ მექანიზმის გამოყენების შემთხვევაში)

6.1 მიმწოდებელი ვალდებულია დააზღვიოს შესყიდვის ობიექტი და/ან მისი ნაწილები (ცალკეული ელემენტები, დანადგარები და წარმოების სხვა საშუალებები, ქონება, მიმწოდებლის და/ან სუბ-კონტრაქტორის პერსონალი და სხვა) ხელშეკრულების სპეციფიკურ პირობებში მითითებული მოთხოვნების შესაბამისად.

7. შესყიდვის ობიექტის მიღება-ჩაბარების წესი

7.1 შესყიდვის ობიექტი ან მისი ნაწილი (ეტაპი) ჩაითვლება მიღებულად მხოლოდ მიღება-ჩაბარების აქტის გაფორმების შემდეგ, თუ ხელშეკრულების სპეციფიკური პირობებით სხვა რამ არ არის გათვალისწინებული.

7.2 შესყიდვის ობიექტის მიღებისა და საბოლოო შემოწმების ადგილი, პირობები, ეტაპები და წესი ასახულია ხელშეკრულების სპეციფიკურ პირობებში.

7.3 შესყიდვის ობიექტის (მისი ნაწილის, ეტაპის) მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

7.4 შემსყიდველი ვალდებულია ოპერატიულად, წერილობითი სახით, აცნობოს მიმწოდებელს საბოლოო შემოწმების შედეგები დაწუნებული მომსახურების ნაწილის (ეტაპის) და წუნდების მიზეზის მითითებით.

7.5 შემსყიდველს შეუძლია უარი განაცხადოს შესყიდვის ობიექტის ან მისი ნაწილის (ეტაპის) მიღებაზე იმ შემთხვევაშიც, თუ შუალედური კონტროლის შედეგები იყო დადებითი.

8. გარანტია

8.1 მიმწოდებელი იძლევა გაწეული მომსახურების საერთაშორისო სტანდარტებისადმი შესაბამისობის გარანტიას.

8.2 ამ გარანტიის კონკრეტული პირობები განისაზღვრება ხელშეკრულების სპეციფიკური პირობებით.

8.3 მიმწოდებელი ვალდებულია შეტყობინების მიღებისთანავე განახორციელოს უხარისხოდ შესრულებული მომსახურების ან მისი ნაწილის გამოსწორება შემსყიდველის მხრიდან რაიმე დამატებითი დანახარჯების გაწევის გარეშე.

8.4 მიმწოდებლის მიერ ამ ვალდებულების შეუსრულებლობის შემთხვევაში შემსყიდველს უფლება აქვს თვითონ მიიღოს ზომები წარმოქმნილი დეფექტების გამოსწორებისათვის და მოსთხოვოს მიმწოდებელს შესაბამისი ხარჯების ანაზღაურება ან გამოქვითოს ეს თანხა ხელშეკრულების მიხედვით მიმწოდებლისათვის გადასახდელი თანხიდან.

9. ანგარიშსწორება

9.1 ანგარიშსწორება მიმწოდებელთან განხორციელდება ხელშეკრულების სპეციფიკურ პირობებში მითითებული ფორმითა და ვადებში მიმწოდებლის წერილობითი მიმართვის საფუძველზე.

9.2 მიმწოდებლის წერილობით მოთხოვნას ანგარიშსწორების თაობაზე უნდა დაერთოს ხელშეკრულების სპეციფიკურ პირობებში მითითებული დოკუმენტაცია.

10. ანგარიშსწორების ვალუტა

10.1 ანგარიშსწორება მიმწოდებელთან განხორციელდება ლარებში (თუ მიმწოდებელი საქართველოს რეზიდენტი).

10.2 ანგარიშსწორება განხორციელდება სატენდერო დოკუმენტაციაში დაფიქსირებულ საანგარიშსწორებო ვალუტაში მისი ლართან მიმართებაში დაფიქსირებული კურსით.

11. ფასები

11.1 მიმწოდებლის დაფიქსირებული გასაწევი მომსახურების ფასი წარმოადგენს ხელშეკრულების ღირებულებით პარამეტრებს.

11.2 ხელშეკრულების ღირებულებითი პარამეტრების შეცვლა ხელშეკრულების მოქმედების მთელი პერიოდის განმავლობაში დაუშვებელია, ან ხელშეკრულების ღირებულებითი პარამეტრების შეცვლა დასაშვებია მხარეთა შეთანხმებით, მხოლოდ ხელშეკრულების სპეციფიკურ პირობებში მითითებულ შემთხვევებში და ზომით.

12. ხელშეკრულებაში ცვლილებების შეტანა

12.1 ხელშეკრულების დამდებ არც ერთი მხარეს არა აქვს უფლება ცალმხრივად შეცვალოს ხელშეკრულების პირობები.

12.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

12.3 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

13. უფლებების გადაცემა

13.1 მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.

14. სუბკონტრაქტორები

14.1 ამ ხელშეკრულების ფარგლებში დასადები ყველა სუბკონტრაქტი უნდა გაფორმდეს მიმწოდებლის წინადადებაში მითითებული მონაცემების მიხედვით.

14.2 იმ შემთხვევაში, თუ სუბკონტრაქტის დადების ან სუბკონტრაქტორის შეცვლის აუცილებლობა წარმოიშობა ხელშეკრულების შესრულების პროცესში, მიმწოდებელმა წერილობით უნდა აცნობოს შემსყიდველს ზემოაღნიშნულის შესახებ და მიიღოს მისგან წერილობითი თანხმობა.

14.3 ამ ხელშეკრულების ფარგლებში დადებული ყველა სუბკონტრაქტის ასლი უნდა წარედგინოს შემსყიდველს.

14.4 ამ ხელშეკრულების ფარგლებში დადებული არც ერთი სუბკონტრაქტი არ ათავისუფლებს მიმწოდებელს ხელშეკრულებით ნაკისრი ვალდებულებებისაგან.

15. ხელშეკრულების შესრულების შეფერხება

15.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, შესაბამისმა მხარემ დაუყოვნებლივ უნდა გაუზიაროს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

16. ხელშეკრულების შესრულების გარანტია (ასეთის არსებობის შემთხვევაში)

16.1 ხელშეკრულების შესრულების უზრუნველყოფის მიზნით მიმწოდებლის მიერ წარმოდგენილი გარანტია გამოიყენება ნებისმიერი ზარალის ანაზღაურების მიზნით, რომელიც მიადგება შემსყიდველს მიმწოდებლის მიერ ხელშეკრულების პირობების შეუსრულებლობის ან არასრული შესრულების გამო. (გარანტირების მექანიზმის გამოყენება სავალდებულოა თუ შესყიდვის ობიექტის საგარაუდო ღირებულება აღემატება 200 000 ლარს და გარანტიის ოდენობა არ უნდა აღემატებოდეს ხელშეკრულების ჯამური ღირებულების 10 პროცენტს და არ უნდა იყოს 2 პროცენტზე ნაკლები). იმ გარემოებების ჩამონათვალი, რომელთა დადგომა გამოიწვევს მიმწოდებლისათვის გარანტიის დაუბრუნებლობას და აღნიშნულ გარემოებათა დადგომის გამო შემსყიდველისათვის მიყენებული ზარალის ანაზღაურების მიზნით საგარანტიო თანხის გამოყენების წესი განსაზღვრულია ხელშეკრულების სპეციფიკურ პირობებში.

16.2 მიმწოდებლის მიერ ხელშეკრულებით ნაკისრი ვალდებულებების სრულად შესრულების შემდეგ შემსყიდველი ვალდებულია დაუბრუნოს მიმწოდებელს ხელშეკრულების შესრულების უზრუნველყოფის გარანტია და/ან მასთან დაკავშირებული დოკუმენტაცია.

16.3 მიმწოდებლისაგან დამოუკიდებელი მიზეზების გამო ხელშეკრულების შეწყვეტის შემთხვევაში შემსყიდველი ორგანიზაცია ვალდებულია მიმწოდებლის მოთხოვნისთანავე დაუბრუნოს მას ხელშეკრულების შესრულების უზრუნველყოფის გარანტია.

17. ხელშეკრულების პირობების შეუსრულებლობა

17.1 ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება საჯარიმო სანქციები, რომელთა ფორმა, ოდენობა, ამოქმედების პირობები და გადახდის ვადები განსაზღვრულია ხელშეკრულების სპეციფიკურ პირობებში.

17.2 საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

18. ხელშეკრულების შეწყვეტა

18.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

18.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი. აღნიშნული შეტყობინება უნდა მიეწოდოს მეორე მხარეს გადაწყვეტილების ძალაში შესვლამდე მინიმუმ ერთი თვით ადრე.

18.3 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

18.4 ხელშეკრულების შეწყვეტა პირობების დარღვევის გამო არ ათავისუფლებს მიმწოდებელს ხელშეკრულების შეუსრულებლობისათვის გათვალისწინებული პასუხისმგებლობისაგან.

18.5 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

გ) თუ მისთვის ცნობილი გახდება, რომ მიმწოდებლის საკვალიფიკაციო მონაცემების დამადასურებელი დოკუმენტები ყალბი აღმოჩნდება;

დ) საქართველოს კანონმდებლობით გათვალისწინებულ სხვა შემთხვევებში.

18.6 ამ მუხლის მე-5 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების ღირებულება.

19. ფორს-მაჟორი

19.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.

19.2 ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებთან და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

19.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუზიაროს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

20. სადაო საკითხების გადაწყვეტა

20.1 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა პირდაპირი არაოფიციალური მოლაპარაკებების მეშვეობით შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

20.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შესძლებენ სადაო საკითხების შეთანხმებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს, თუ ხელშეკრულების სპეციფიკურ პირობებში სხვა რამ არ არის გათვალისწინებული.

21. გამოყენებული სამართალი

21.1 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

22. ხელშეკრულების ენა

22.1 ხელშეკრულება დაწერილ უნდა იქნეს ქართულ ენაზე. იმ შემთხვევაში თუ ხელშეკრულების მეორე მხარე არის უცხო ქვეყნის წარმომადგენელი მაშინ მეორე ეგზემპლარი ითარგმნება მიმწოდებლისათვის მისაღებ ენაზე. ინტერპრეტაციისას ქართულ ენაზე დაწერილი ხელშეკრულება წარმოადგენს გადაწყვეტს. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის უნდა შეესაბამებოდეს აღნიშნულ პირობებს.

23. ურთიერთობა ხელშეკრულების დამდებ მხარეებს შორის

23.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება დეპეშის, ტელექსის ან ფაქსის გაგზავნის გზით იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით.

23.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

24. გადასახადები და ბაჟები

24.1 უცხოელი მიმწოდებელი პასუხს აგებს მომსახურების გაწევასთან დაკავშირებული ყველა იმ გადასახადის, დაბეგვრის თანხის, მოსაკრებლების და სხვა გადასახდელების გადახდაზე, რომლებიც გადასახდელია საქართველოს ფარგლებში.

24.2 ადგილობრივი მიმწოდებელი პასუხს აგებს საქართველოს კანონმდებლობით დადგენილი გადასახადების, ბეგარის, მოსაკრებლების და სხვა გადასახდელების გადახდაზე, თუ ხელშეკრულების სპეციფიკური პირობებით სხვა რამ არ არის გათვალისწინებული.

ხელშეკრულების სპეციფიკური პირობები წარმოადგენს სატენდერო დოკუმენტაციის შემადგენელ ნაწილს და მას შემოემატება შემსყიდველი ორგანიზაცია. მისი შედგენის საფუძველს წარმოადგენს ხელშეკრულების საერთო პირობები და შემსყიდველის მოთხოვნები, რომელთა მიხედვითაც უნდა განხორციელდეს შესაბამისი მომსახურების განხორციელება. ხელშეკრულების სპეციფიკური პირობების მეშვეობით ხორციელდება ხელშეკრულების საერთო პირობების შევსება, დაზუსტება და ცალკეული შესყიდვისათვის დამახასიათებელი პირობების დაკონკრეტება. ხელშეკრულების სპეციფიკურ, საერთო პირობებს და დანართებს შორის ურთიერთშეუსაბამობის შემთხვევაში უპირატესობა ენიჭება სპეციფიკური პირობების შესაბამის მუხლებს.

1. ხელშეკრულების დამდები მხარეები

ხელშეკრულების მხარეები არიან:

შემსყიდველი - სს „საქართველოს რკინიგზა“ (ს/კ 202886010), წარმოდგენილი მისი ინფრასტრუქტურის დირექტორის გიორგი მარუაშვილის სახით, მისამართი: ქ. თბილისი, თამარ მეფის გამზირი №15.

მიმწოდებელი - შპს „აგანბეკი“ (ს/კ 406115207), წარმოდგენილი მისი დირექტორის ვახტანგ ათაბეგაშვილის სახით, მისამართი: ქ. თბილისი, ისნის რაიონი, ნიაბის I შესახვევი, N2.

„ჩვენ, აღნიშნულ დოკუმენტზე ვიზირების განმახორციელებელი და ხელშეკრულების ხელმოწერაზე უფლებამოსილი პირები ვადასტურებთ, რომ წინამდებარე ხელშეკრულებით შესყიდვის განხორციელებასთან დაკავშირებული ჩვენი მონაწილეობა არ ეწინააღმდეგება „სახელმწიფო შესყიდვების შესახებ“ საქართველოს კანონის მე-8 მუხლის მოთხოვნებს და შესყიდვაში მონაწილეობით ინტერესთა კონფლიქტში არ ვიმყოფებით მიმწოდებელთან“.

2. ხელშეკრულების შესრულების კონტროლი

2.1 შემსყიდველის მიერ ხელშეკრულების შესრულების კონტროლი განხორციელდება პერიოდულად, შემსყიდველის მოთხოვნის შესაბამისად.

3. მომსახურების განხორციელების პირობები და ვადები

3.1 მიმწოდებელი ვალდებულია წინამდებარე ხელშეკრულებით გათვალისწინებული მომსახურება განახორციელოს ხელშეკრულების გაფორმებიდან 58 (ორმოცდათვრამეტი) კალენდარული დღის განმავლობაში, (ობიექტის სრულად შესრულება პროექტის, მოცულობათა უწყისისა, ხარჯთაღრიცხვის (ობიექტური, ლოკალური და კრებსითი) წარმოდგენით).

3.2 მომსახურების მიმღებია: სს „საქართველოს რკინიგზა“.

3.3 მომსახურების გაწევის (საპროექტო სამუშაოების ჩატარების) ადგილია: სს „საქართველოს რკინიგზა“, მისამართი: ქ.თბილისი, თამარ მეფის გამზირი N15.

3.4 მიმწოდებელი ვალდებულია გასწიოს ყველა თანმდევი მომსახურება (ასეთის საჭიროების შემთხვევაში), რომელიც დაკავშირებულია ამ ხელშეკრულებით გათვალისწინებული ვალდებულებების შესრულებასთან.

3.5 გასაწევ მომსახურებაზე განსაკუთრებული მოთხოვნების შესაბამისად:

3.5.1 მიმწოდებელმა უნდა უზრუნველყოს სადგურ ველში, მდ. ლოჭინოზე კმ10+144-ზე არსებული რკინიგზის ხიდის დემონტაჟისა და ახალი რკინა-ბეტონის ხიდის მოწყობისათვის საჭირო სამუშაოების საპროექტო-სახარჯთაღრიცხვო დოკუმენტაციის შედგენა;

3.5.2 მიმწოდებელმა არსებული რკინიგზის ლითონის ხიდი, სქემით 22.36+2x21.0მ საერთო სიგრძით 77.86მ, ბეტონის ბურჯებით სიმაღლით 4÷5მ. საპროექტო რკინა-ბეტონის ხიდის პარამეტრები უნდა დააზუსტოს პროექტირების დროს;

3.6 პროექტში გათვალისწინებული უნდა იყოს:

ა) ხიდის მალის ნაშენები დაპროექტდეს რკინა-ბეტონის, მოქმედი ტიპური პროექტების მიხედვით;

ბ) საინჟინრო-გეოლოგიური სამუშაოების ჩატარება;

გ) ტოპო-გეოდუზიური და აზომვითი სამუშაოების ჩატარება;

დ) მშენებლობის ორგანიზაციის პროექტის შედგენა;

ე) არსებული კომუნიკაციების გადაკვეთის საპროექტო-სახარჯთაღრიცხვო დოკუმენტაციის შედგენა.

3.7 მიმწოდებელმა საპროექტო სქემა უნდა შეათანხმოს შემსყიდველთან, რომელიც დადასტურებულ უნდა იქნეს ორმხრივი ხელმოწერ(ებ)ით და თან უნდა დაერთოს მიღება-ჩაბარების აქტს.

3.8 პროექტი შედგენილ უნდა იქნეს საქართველოში მოქმედი სამშენებლო ნორმებისა და სხვა ნორმატიულ-ტექნიკური დოკუმენტაციით განსაზღვრული სტანდარტების შესაბამისად.

3.9 მიმწოდებელი იღებს ვალდებულებას მასზედ, რომ ხარჯთაღრიცხვა დამუშავდება ლოკალურ-რესურსული მეთოდით.

3.10 საპროექტო-სახარჯთაღრიცხვო დოკუმენტაცია უნდა შედგეს მიმდინარე საბაზრო ფასებით და შესაბამისი ობიექტური, ლოკალური და კრებსითი ხარჯთაღრიცხვების გამოცემით.

3.11 მომსახურების განხორციელების შედეგად მიმწოდებელი ვალდებულია ოფიციალური წერილობითი ფორმით გადასცეს შემსყიდველს დამუშავებული პროექტი, მოცულობათა უწყისი, ხარჯთაღრიცხვა (ობიექტური, ლოკალური და კრებსითი) (თითო-თითო ბეჭდური და ელ. ვერსია PDF და EXCEL ფორმატში) შესათანხმებლად და ექსპერტიზისათვის გადასაცემად. პირველადი ექსპერტიზის ხარჯები ეკისრება შემსყიდველს, ხოლო ხარვეზის აღმოჩენის შემთხვევაში ყოველი შემდგომი ექსპერტიზის ხარჯები გაიღებს მიმწოდებელი. ამასთან, პირველადი

ექსპერტიზის შედეგად უარყოფითი დასკვნის გაცემის შემთხვევაში, მიმწოდებელი ვალდებულია განახორციელოს ექსპერტიზა იმავე აკრედიტირებულ საექსპერტო დაწესებულებაში, სადაც შემსყიდველმა განახორციელა პირველადი ექსპერტიზა).

3.12 პროექტის ექსპერტიზის და საზედამხედველო ორგანოებთან შეთანხმების დროს წარმოქმნილი საპროექტო გადაწყვეტილებების კორექტირებას მიმწოდებელი ასრულებს დამატებითი ანაზღაურების გარეშე.

3.13 მიმწოდებელი ვალდებულია ობიექტზე წარმოადგინოს შეთანხმებული პროექტ(ებ)ის, მოცულობათა უწყისის და ხარჯთაღრიცხვის ნაბეჭდი ვერსია 5-5 ეგზემპლიარად, და აღნიშნული დოკუმენტაციის ელექტრონული ვერსია CD დისკზე PDF და EXCEL ფორმატებში 5 ეგზემპლიარად.

3.14 მიმწოდებლის მიერ წარმოდგენილ დოკუმენტაციას შემსყიდველი გადაცემს ექსპერტიზისათვის აკრედიტირებულ საექსპერტო დაწესებულებას (ექსპერტს, ექსპერტთა ჯგუფს). ექსპერტის (ექსპერტთა ჯგუფის) მიერ ხარვეზების არსებობის აღმოჩენის შემთხვევაში, მიმწოდებელი ვალდებულია დაუყოვნებლივ დაიწყოს მუშაობა ხარვეზის აღმოსაფხვრელად და გამოასწოროს ხარვეზი (ხარვეზები) საკუთარი ხარჯებით ხარვეზის აღმოჩენის შესახებ შემსყიდველის წერილობითი შეტყობინებიდან არაუმეტეს 5 (ხუთი) კალენდარულ დღეში.

3.15 ამ მუხლის პირველი პუნქტით გათვალისწინებული მომსახურების განხორციელების ვადის ათვლა ჩერდება მაშინ, როდესაც მიმწოდებელი წერილობითი ფორმით ექსპერტიზისათვის გადასცემს შემსყიდველს დამუშავებულ პროექტს, ხარჯთაღრიცხვასა და მოცულობათა უწყისს. ექსპერტის მიერ ხარვეზის აღმოჩენის შემთხვევაში (გარდა 3.14 პუნქტით გათვალისწინებული შემთხვევისა) მიმწოდებელს დაერიცხება პირგასამტეხლო ამ ხელშეკრულების 7.1 პუნქტის შესაბამისად ყოველ საექსპერტო პერიოდზე, ხოლო დარიცხვა შეწყდება ექსპერტიზის მიერ დადებითი დასკვნის გაცემის დღეს ან 7.4 პუნქტის მოთხოვნათა დადგომისას.

3.16 შემსყიდველის მხრიდან ხელშეკრულების აღმინისტრატორად განისაზღვრა: საინჟინრო ნაგებობების ცენტრის მთავარი სპეციალისტი ოლეგი ქველიძე, ტელ: 577 775003.

4. შესყიდვის ობიექტის მიღება-ჩაბარების წესი

4.1 შესრულებული მომსახურების (შესყიდვის ობიექტი) მიღება-ჩაბარება ხორციელდება მიმწოდებლის მიერ ობიექტზე დოკუმენტაციის (პუნქტი 3.11) და ექსპერტის (ექსპერტთა ჯგუფის) მიერ ობიექტზე წარმოდგენილ დოკუმენტაციაზე დადებითი დასკვნის გათვალისწინებით, შემსყიდველისა და მიმწოდებლის მიერ სამისოდ უფლებამოსილი წარმომადგენლების მიერ, შესაბამის მიღება-ჩაბარების აქტებზე ხელმოწერების გზით.

4.1.1 შემსყიდველის მხრიდან განხორციელებული მომსახურების მიღება-ჩაბარების აქტ(ებ)ზე ხელმოწერა უფლებამოსილ პირებს წარმოადგენენ:

- საინჟინრო ნაგებობების ცენტრის უფროსი;
- საინჟინრო ნაგებობების ცენტრის უფროსის მოადგილე;
- საინჟინრო ნაგებობების ცენტრის მთავარი სპეციალისტი.

4.2 მიღება-ჩაბარების აქტის შედგენიდან 3 (სამი) სამუშაო დღის ვადაში მიმწოდებელი ვალდებულია შემსყიდველს წარუდგინოს საგადასახადო ანგარიშ-ფაქტურა.

4.3 მიღება-ჩაბარების აქტი გაფორმდება ოთხ ეგზემპლიარად, რომლის სამი ეგზემპლიარი გადაეცემა შემსყიდველს, ხოლო ერთი – მიმწოდებელს.

5. გარანტია

5.1 მიმწოდებელი იძლევა გარანტიას, რომ მას გააჩნია ყველა ის საშუალება, რომელიც აუცილებელია წინამდებარე ხელშეკრულებით გათვალისწინებული ვალდებულების შესასრულებლად.

5.2 მიმწოდებელი იძლევა გარანტიას, რომ მის მიერ მომსახურება განხორციელდება ჯეროვნად, დროულად, შეუფერხებლად, კეთილსინდისიერად, სრულფასოვნად და განხორციელებული მომსახურება შეესაბამება ხელშეკრულებით გათვალისწინებულ მოთხოვნებს.

5.3 განხორციელებულ მომსახურებაში ხარვეზის აღმოჩენის შემთხვევაში, შემსყიდველი უფლებამოსილია მიმწოდებელს წარუდგინოს პრეტენზია ამ ხელშეკრულების მოქმედების განმავლობაში. მიმწოდებელი ვალდებულია შემსყიდველის წერილობითი შეტყობინების მიღებისთანავე დაიწყოს მუშაობა გამოვლენილი დეფექტის აღმოფხვრის ან შეცვლისათვის საჭირო ზომების განსახორციელებლად, შემსყიდველის მხრიდან რაიმე დამატებითი დანახარჯების გაწევის გარეშე და შეძლებისდაგვარად მოკლე ვადაში აღმოფხვრას დეფექტი საკუთარი სახსრებით.

5.4 მიმწოდებლის მიერ ამ ვალდებულების შეუსრულებლობის შემთხვევაში შემსყიდველს უფლება აქვს თვითონ მიიღოს ზომები წარმოქმნილი დეფექტების გამოსწორებისათვის და მოსთხოვოს მიმწოდებელს შესაბამისი ხარჯების ანაზღაურება ან გამოქვითოს ეს თანხა ხელშეკრულების მიხედვით მიმწოდებლისათვის გადასახდელი თანხიდან.

5.5 მომსახურების არაჯეროვანი განხორციელების შედეგად მიყენებულ ზიანს საკუთარი ხარჯებით ანაზღაურებს მიმწოდებელი.

6. ანგარიშსწორება

6.1 ანგარიშსწორების ფორმა: უნაღდო, კონსიგნაცია.

6.2 ანგარიშსწორების ვალუტა: ეროვნულ ვალუტაში, მიღება-ჩაბარების აქტის გაფორმების დღისთვის საქართველოს ეროვნული ბანკის მიერ დადგენილი ლარის აშშ დოლართან ოფიციალური გაცვლითი კურსის მიხედვით.

6.3 ანგარიშსწორება მიმწოდებელთან განხორციელდება ამ ხელშეკრულებით გათვალისწინებულ ობიექტზე მომსახურების სრულად შესრულების შემდეგ, მხარეთა შორის მიღება-ჩაბარების აქტის შედგენიდან 40 (ორმოცი) საბანკო დღის განმავლობაში. ამასთანავე, განსხვავებული პირობით დასაშვებია ანგარიშსწორება მხოლოდ იმ შემთხვევაში, თუ მიმწოდებელი ხელშეკრულებით გათვალისწინებული ანგარიშსწორებისათვის საჭირო

დოკუმენტების წარმოდგენის შემდგომ, სს „საქართველოს რკინიგზას“ მიმართავს და წარუდგენს წერილობითი ფორმით მოთხოვნას (ფორმა N1) განსხვავებული პირობით ანგარიშსწორების შესახებ.

6.3.1 განსხვავებული პირობით ანგარიშსწორება გულისხმობს შემდეგს:

1. შემსყიდველი იტოვებს უფლებას ანგარიშსწორება განახორციელოს მიმწოდებლის წერილობითი მოთხოვნის მიღების თარიღიდან (იგულისხმება კომპანიის კანცელარიაში რეგისტრაციის თარიღი) 10 (ათი) საბანკო დღის განმავლობაში;

2. მიმწოდებლის მიერ მოთხოვნილი თანხა არ უნდა იყოს დღგ-ს ჩათვლით 10 000 (ათი ათასი) ლარზე ნაკლები;

3. ნაკლებ ვადაში (10 საბანკო დღე მიმწოდებლის წერილობითი მოთხოვნიდან) ანგარიშსწორებისას მიმწოდებელს საკომისიოს სახით გაექვეთოს ანაზღაურების მოთხოვნით განსაზღვრული გასაცემი თანხიდან მოთხოვნილი ნაწილის 1,73% და აისახოს კომპანიის სასარგებლო დამატებით შემოსავლად.

6.4 ანგარიშსწორებისათვის საჭირო დოკუმენტებია:

- მიმწოდებლის წერილობითი მომართვა (პუნქტი 3.11);
- შემსყიდველის წერილობითი შეტყობინება ხარვეზის არსებობის შესახებ (ასეთის არსებობის შემთხვევაში);
- ექსპერტის (ექსპერტთა ჯგუფის) დადებითი დასკვნა;
- მიღება-ჩაბარების აქტი (დედანი);
- შემსყიდველთან შეთანხმებული საპროექტო სქემა (პუნქტი 3.7);
- 6.3.1 პუნქტით გათვალისწინებული მოთხოვნის ასლი (ასეთის არსებობის შემთხვევაში);
- საგადასახადო ანგარიშ-ფაქტურა.

6.5 შემსყიდველის ან/და მიმწოდებლის მოთხოვნის შემთხვევაში საბოლოო ანგარიშსწორებამდე მხარეები ადგენენ ურთიერთშედეგების აქტს.

7. ხელშეკრულების პირობების შეუსრულებლობა

7.1 ხელშეკრულებით ნაკისრი ვალდებულებების შესრულების ვადების გადაცილების შემთხვევაში, ყოველი დაგვიანებული დღისთვის, მიმწოდებელს ეკისრება პირგასამტეხლო ხელშეკრულების ღირებულების (დღგ-ს გარეშე) 0,1 %-ის ოდენობით, რომელიც გაანგარიშებულ იქნება აშშ დოლარში და მოთხოვნილი (გაქვითული) იქნება ქართულ ლარში მიღება-ჩაბარების აქტის გაფორმების დღის, ან ასეთის არ არსებობის შემთხვევაში, შემსყიდველის მხრიდან ხელშეკრულების შეწყვეტის დღეს საქართველოს ეროვნული ბანკის მიერ დადგენილი ლარის აშშ დოლართან ოფიციალური გაცვლითი კურსის მიხედვით, ამასთან, პირგასამტეხლოს დარიცხვა შეწყდება მას შემდეგ, რაც დარიცხული თანხა მიაღწევს ხელშეკრულების საერთო ღირებულების (დღგ-ს გარეშე) 5 %-ს.

7.2 იმ შემთხვევაში თუ ვადების გადაცილებისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების (დღგ-ს გარეშე) 3 %-ს, შემსყიდველს უფლება აქვს შეწყვიტოს ხელშეკრულება.

7.3 მიმწოდებლის მიერ ხელშეკრულების შეწყვეტის შემთხვევაში, მიმწოდებელს ეკისრება პირგასამტეხლო ხელშეკრულების ღირებულების (დღგ-ს გარეშე) 5%-ის ოდენობით.

7.4 ხელშეკრულების ფარგლებში გათვალისწინებული პირგასამტეხლოს მაქსიმალური ზღვრული ოდენობა, რომელიც შეიძლება დაეკისროს მიმწოდებელს, შეადგენს ხელშეკრულების ღირებულების (დღგ-ს გარეშე) არაუმეტეს 5%-ს.

სადგურ ველში, მდ. ლოჭინოზე არსებული ლითონის რკინიგზის ხიდის დემონტაჟისა და ახალი რკინა-ბეტონის ხიდის მშენებლობის
საპროექტო-სახარჯთაღრიცხვო დოკუმენტაციის შედგენის მომსახურების შესყიდვა

დანართი N1

№	გასაწევი მომსახურების დასახელება	გასაწევი მომსახურების ღირებულება დღგ-ს გარეშე	გასაწევი მომსახურების ვადა
1	სადგურ ველში, მდ. ლოჭინოზე, კმ10+144-ზე, არსებული ლითონის რკინიგზის ხიდის დემონტაჟისა და ახალი რკინა-ბეტონის ხიდის მშენებლობის საპროექტო- სახარჯთაღრიცხვო დოკუმენტაციის შედგენის მომსახურება	28173.69 (აშშ დოლარი)	ხელშეკრულების გაფორმებიდან 58 კალენდარული დღე

შენიშვნა: ფასი მოცემულია აშშ დოლარში წინადადების მიღების დასრულების დღეს არსებული საქართველოს ეროვნული ბანკის მიერ დადგენილი
ოფიციალური გაცვლითი კურსის შესაბამისად

შპს "ავანბეკი"-ს დირექტორი

ვ. ათაბეგაშვილი



მისამართი ნიავის I შესახვევი №2 ტელ. 591161419

Email: AVANBEKI2014@gmail.com

გასაწევ მომსახურებაზე განსაკუთრებული მოთხოვნები:

- 1) მიმწოდებელმა უნდა უზრუნველყოს სადგურ ველში, მდ. ლოჭინოზე კმ10+144-ზე არსებული რკინიგზის ხიდის დემონტაჟისა და ახალი რკინა-ბეტონის ხიდის მოწყობისათვის საჭირო სამუშაოების საპროექტო-სახარჯთაღრიცხვო დოკუმენტაციის შედგენის მომსახურება.
- 2) ობიექტის დახასიათება: არსებული რკინიგზის ლითონის ხიდი, სქემით 22.36+2x21.0მ საერთო სიგრძით 77.86მ, ბეტონის ბურჯებით სიმაღლით 4÷5მ. საპროექტო რკინა-ბეტონის ხიდის პარამეტრები დაზუსტდეს პროექტირების დროს;
- 3) პროექტში გათვალისწინებული უნდა იყოს:
 - ა) ხიდის მაღლის ნაშენები დაპროექტდეს რკინა-ბეტონის, მოქმედი ტიპური პროექტების მიხედვით.
 - ბ) საინჟინრო-გეოლოგიური სამუშაოების ჩატარება.
 - გ) ტოპო-გეოდეზიური და აზომვითი სამუშაოების ჩატარება.
 - დ) მშენებლობის ორგანიზაციის პროექტის შედგენა.
 - ე) არსებული კომუნიკაციების გადაკვეთის საპროექტო-სახარჯთაღრიცხვო დოკუმენტაციის შედგენა;
- 4) მიმწოდებელმა უნდა შეათანხმოს საპროექტო სქემა შემსყიდველთან.
- 5) პროექტი შედგენილ უნდა იქნეს საქართველოში მოქმედი სამშენებლო ნორმებისა და სხვა ნორმატიულ-ტექნიკური დოკუმენტაციით განსაზღვრული სტანდარტების შესაბამისად.
- 6) ხარჯთაღრიცხვა უნდა დამუშავდეს ლოკალურ-რესურსული მეთოდით.
- 7) საპროექტო-სახარჯთაღრიცხვო დოკუმენტაცია უნდა შედგეს მიმდინარე საბაზრო ფასებით და შესაბამისი ობიექტური, ლოკალური და კრებსითი ხარჯთაღრიცხვების გამოცემით.
- 8) მიმწოდებელმა შემსყიდველს უნდა წარუდგინოს შესათანხმებლად და ექსპერტიზისათვის გადასაცემად პროექტის, მოცულობათა უწყისის და ხარჯთაღრიცხვის (ობიექტური, ლოკალური და კრებსითი) თითო-თითო ბეჭდური და ელ. ვერსია PDF და EXCEL ფორმატში. პირველადი ექსპერტიზის ხარჯები ეკისრება შემსყიდველს, ხოლო ხარჯების აღმოჩენის შემთხვევაში ყოველი შემდგომი ექსპერტიზის ხარჯებს გაიღებს მიმწოდებელი; ამასთან, პირველადი ექსპერტიზის შედეგად უარყოფითი დასკვნის გაცემის შემთხვევაში, მიმწოდებელი ვალდებულია განახორციელოს ექსპერტიზა იმავე აკრედიტირებულ საექსპერტო დაწესებულებაში, სადაც შემსყიდველმა განახორციელა პირველადი ექსპერტიზა.
- 9) პროექტის ექსპერტიზის და საზეიმოდ შედგენილი ორგანოებთან შეთანხმების დროს

წარმოქმნილი საპროექტო გადაწყვეტილებების კორექტირებას საპროექტო ორგანიზაცია ასრულებს დამატებითი ანაზღაურების გარეშე.

10) მიმწოდებელმა უნდა წარმოადგინოს შესაბამისი შეთანხმებული პროექტ(ებ)ის, მოცულობითი უწყისის და ხარჯთაღრიცხვის ნაბეჭდი ვერსია 5-5 ეგზემპლიარად და CD დისკზე ჩანერილი ელექტრონული ვერსია PDF და EXCEL ფორმატში 5 ეგზემპლიარად.

შეთანხმებით ზემოთ მოცემულ ყველა პირობას


დირექტორი

ვახტანგ ათაბეგაშვილი

ამონაწერი სახელმწიფო შესყიდვების ერთიანი ელექტრონული სისტემიდან ელექტრონული
ვაჭრობის მიმდინარეობის თაობაზე

ძირითად დროში ვაჭრობის შედეგები

პრეტენდენტი	ბოლო შეთავაზება თანხა/დრო	პირველი შეთავაზება თანხა/დრო	შეთავაზებები
 შპს ავანბეკი	88`888.00 16.11.2021 10:08	88`888.00 16.11.2021 10:08	[1] ნახვა

1	ხელშეკრულება №		3	ხელშეკრულების საგანი: სადგურ ველში, მდ. ლოჭინოზე არსებული ლითონის რკინიგზის ხიდის დემონტაჟისა და ახალი რკინა-ბეტონის ხიდის მშენებლობის საპროექტო-სახარჯთაღრიცხვო დოკუმენტაციის შედგენის მომსახურების შესყიდვა		
2	კონტრაგენტი	შპს "ავანბეკი"	4	მიმღები დეპ/სამ. სალიანდაგო დეპარტამენტი		
ხელშეკრულების რანგი		კურატორი დირექტორის მიერ განსაზღვრული		გენერალური დირექტორის მიერ დამტკიცებული		
		რანგი		რანგი		
		I ☒	II ☐	III ☐	I ☐	II ☐
5	ხელშეკრულების ადმინისტრატორი	საინჟინრო ნაგებობების ცენტრის მთავარი სპეციალისტი				
		თანამდებობა				
		ქველიძე ოლეგი				
		გვარი, სახელი		ხელმოწერა	თარიღი	
6	ინფრასტრუქტურის დირექტორი	მარუქაშვილი გიორგი				
		გვარი, სახელი		ხელმოწერა	თარიღი	

ხელწერილი

ინტერესთა კონფლიქტის არარსებობის შესახებ

ქ. თბილისი

08.12.2021 წელი

სს „საქართველოს რკინიგზის“ მიერ სადგურ ველში, მდ. ლოჭინოზე არსებული ლითინის რკინიგზის ხიდის დემონტაჟისა და ახალი რკინა-ბეტონის ხიდის მშენებლობის საპროექტო-საბარჯთაღრიცხვო დოკუმენტაციის შედგენის მომსახურების შესყიდვის მიზნით 2021 წლის 4 ნოემბერს გამოცხადებულ ელექტრონულ ტენდერში აუქციონის გარეშე (№NAT210020869) გამარჯვებულ პრეტენდენტთან შპს „ავანბევი“ (ს/კ 406115207), ხელშეკრულების ფარგლებში განსაზღვრულ ვალდებულებათა შესრულების კონტროლისა და ზედამხედველობის განმახორციელებელი პირები ვადასტურებთ, რომ ჩვენი მონაწილეობა არ ეწინააღმდეგება „სახელმწიფო შესყიდვების შესახებ“ საქართველოს კანონის მე-8 მუხლის მოთხოვნებს და ინტერესთა კონფლიქტში არ ვიმყოფებით.

თეო ქაღიძე

სახელი/გვარი



ხელმოწერა

ფორმა # 1		
სს "საქართველოს რკინიგზა"-ს ფინანსურ დირექტორს		
მიმწოდებლის დასახელება	ხელშეკრულების ნომერი #	გასაცემი თანხის ოდენობა დღგ-ს ჩათვლით, რომელიც უნდა ჩაერიცხოს ანგარიშწორების ვადაზე ადრე
1	2	3
შენიშვნა: ივსება მომწოდებლის მიერ ხელმოწერა თარიღი		
გასაცემი თანხის ოდენობა დღგ-ს ჩათვლით, რომელიც ჩაერიცხა მომწოდებელს ვადაზე ადრე	გასაქვითი თანხის 1,73% ოდენობა	ანაზღაურების მოთხოვნის #
1	2	3
შენიშვნა: ივსება ხაზინის სამსახურის მიერ ხელმოწერა თარიღი		

გრაფიკი

USD	1 აშშ დოლარი	2021-11-11	3.1523
USD	1 აშშ დოლარი	2021-11-12	3.1492
USD	1 აშშ დოლარი	2021-11-13	3.1493
USD	1 აშშ დოლარი	2021-11-16	3.1550
USD	1 აშშ დოლარი	2021-11-17	3.1489
USD	1 აშშ დოლარი	2021-11-18	3.1435